


# DEDDF IECHYD ANIFEILIAID 1981

## GORCHYMYN TWBERCWLOSIS (CYMRU) 2010 (O.S.2010/1379) (FEL Y'I DIWYGIWYD)

### TRWYDDED GYFFREDINOL I GANIATÁU SYMUD ANIFEILIAID BUCHOL O FUCHES ACHREDEDIG I'R ARDAL TB ISEL NEU ARDALOEDD TB CANOLRADD YNG NGHYMURU HEB Y GOFYNIAD I GEIDWAD DREFNU PRAWF AR ÔL SYMUD

Yn unol ag erthyglau 13A a 23 o Orchymyn Twbercwlosis (Cymru) 2010 (fel y'i diwygiwyd), mae Gweinidogion Cymru drwy'r drwydded gyffredinol hon, yn awdurdodi symud gwartheg o fuches sydd wedi'i hachredu o dan Gynllun Iechyd Gwartheg, naill ai'n uniongyrchol neu drwy grynhoad gwerthu cymeradwy, i'r Ardal TB Isel, neu Ardal TB Ganolradd yng Nghymru heb y gofyniad i geidwad y safle sy'n derbyn y gwartheg drefnu prawf ar ôl symud, cyn belled ag y cedwir at amodau'r drwydded hon

Daw'r drwydded hon i rym am 00.01 o'r gloch ar Ebrill 27ain 2024

Llofnodwyd gan   
O dan awdurdod y Ysgrifenydd y Cabinet dros Newid Hinsawdd a Materion  
Gwledig, un o Ysgrifenyddion Cabinet Cymru

Dyddiad: Ebrill 26ain 2024

#### Amodau:

- 1) Rhaid i'r gwartheg ddod o fuches sydd wedi'i hachredu o dan Safonau Ardystio Iechyd Gwartheg Cynllun Iechyd Gwartheg trwyddedig fel buches sydd wedi bod heb TB am ddeng mlynedd (Lefel 10).
- 2) Os symudir gwartheg i'r Ardal TB Isel, rhaid i'r fuches y daeth y gwartheg ohoni fod yng Nghymru mewn Ardal TB Ganolradd neu Ardal TB uchel, neu yn yr Ardal Ymylol, neu'r Ardal Risg Uchel yn Lloegr.
- 3) Os symudir gwartheg i Ardal TB Ganolraddol, rhaid i'r fuches y daeth y gwartheg ohoni fod mewn Ardal TB Uchel yng Nghymru, neu'r Ardal Risg Uchel yn Lloegr.
- 4) Rhaid i'r ceidwad newydd sy'n derbyn y gwartheg roi gwybod i'r Asiantaeth Iechyd Anifeiliaid a Phlanhigion pan fydd gwartheg yn cael eu symud i safle yn yr Ardal TB Isel yng Nghymru, neu i Ardal TB Ganolradd yng Nghymru. Mae datganiad ceidwad newydd ar gael yn: [TB206\(W\).pdf \(defra.gov.uk\)](https://defra.gov.uk/government/uploads/system/uploads/attachment_data/file/78206/TB206(W).pdf)
- 5) Rhaid i'r gwartheg fod wedi'u geni yn y fuches maen nhw'n dod ohoni heb gael eu symud ohoni.
- 6) Ni chaiff gwartheg eu symud i'r eiddo nac oddi yno os bydd symudiad o'r

fath yn groes i gyfyngiadau sydd mewn grym oherwydd clefyd hysbysadwy arall adeg y symud arfaethedig.

- 7) Mae mynd yn groes i amodau'r drwydded hon yn drosedd o dan Ddeddf Iechyd Anifeiliaid 1981.

## Nodiadau

i) Mae gwartheg yn y cyd-destun hwn yn golygu gwartheg domestig o'r genws Bos, byfflos a beison.

ii.) v) O dan Erthygl 13A y Gorchymyn.—

(1) Mae tair ardal dwbercwlosis yng Nghymru, sef-

- (a) yr Ardal TB Isel;
- (b) yr Ardal TB Ganolradd;
- (c) yr Ardal TB Uchel.

(2) Pan symudir gwartheg i'r Ardal TB Isel o fuches yn—

- (a) yr Ardal TB Ganolradd;
- (b) yr Ardal TB Uchel;
- (c) yr Ardal Ymylol neu'r Ardal Risg Uchel yn Lloegr; neu
- (ch) Gogledd Iwerddon,

rhaid i'r ceidwad sy'n derbyn yr anifail drefnu bod milfeddyg cymeradwy yn cynnal prawf ar ôl symud arno dim llai na 60 niwrnod ond dim mwy na 120 diwrnod ar ôl y dyddiad y cyrhaeddodd y daliad sy'n ei dderbyn.

(2A) Pan symudir anifail buchol i'r ardal TB ganolradd o fuches a leolir yn—

- (a) yr Ardal TB Uchel,
- (b) yr Ardal Risg Uchel yn Lloegr, neu
- (c) Gogledd Iwerddon,

rhaid i'r ceidwad sy'n derbyn yr anifail drefnu bod milfeddyg cymeradwy yn cynnal prawf ar ôl symud arno dim llai na 60 niwrnod ond dim mwy na 120 diwrnod ar ôl y dyddiad y cyrhaeddodd y daliad sy'n ei dderbyn.

(3) Nid yw paragraff (2) yn berthnasol i—

- (a) gwartheg sy'n cael eu lladd o fewn 120 niwrnod ar ôl cyrraedd y daliad sy'n eu derbyn;
- (b) gwartheg sy'n cael eu symud i gael triniaeth filfeddygol – cyn belled â'u bod yn dod yn ôl yn syth i'r safle y daethon nhw ohono ar ôl y driniaeth, neu eu bod yn cael eu lladd neu'n cael eu hanfon yn syth i'r lladd-dy;
- (c) unrhyw symudiadau a nodwyd yn Atodlen 3; ac
- (ch) unrhyw symudiad a gymeradwyir gan Weinidogion Cymru.

(4) pan fydd angen cynnal prawf croen ar ôl symud ar wartheg o dan

baragraff (2), ni chaiff unrhyw un symud yr anifail hwnnw o'r eiddo y cafodd ei symud iddo tan y bydd y prawf croen wedi'i gwblhau gyda chanlyniad negyddol oni bai ei fod yn cael ei symud-

(a) yn syth (neu drwy fan casglu) i'w ladd;

(b) i uned besgi gymeradwy; neu

(c) o dan awdurdod trwydded symud a roddwyd gan arolygydd.

- iii) Mae'r "Ardal TB Isel" yn golygu'r holl dir sydd wedi'i liwio a'i enwi fel yr Ardal TB Isel ar y map a adneuwyd o Ardaloedd TB Rhanbarthol Cymru.
- iv) Mae "Ardal TB Ganolradd" yn golygu'r holl dir sydd wedi'i liwio a'i enwi fel ardal TB Ganolradd ar y map a adneuwyd o Ardaloedd TB Rhanbarthol Cymru.
- v) Gellir dod o hyd i fap o ardaloedd risg Prydain Fawr yn: Map Achosion TB Buchol - Ardaloedd Risg, Prydain Fawr | Hwb TB
- vi) Safonau Ardystio lechyd Gwasanaeth (CHeCS) yw'r corff rheoleiddio ar gyfer Cynlluniau lechyd Gwartheg yn y DU ac Iwerddon. Nid yw'n gorff masnachu a chafodd ei sefydlu gan ddiwydiant gwartheg Prydain i reoli a dileu clefydau anstatudol trwy osod safonau y mae'n rhaid i bob Cynllun lechyd Gwartheg gadw atyn nhw.
- vii) Manylion cyswllt yr Asiantaeth lechyd Anifeiliaid a Phlanhigion:  
**Cyfeiriad:** Gwasanaethau Maes Cymru, Tŷ Merlin, Heol Glasdwr, Parc Pensarn, Caerfyrddin SA31 2NF  
**Ffôn:** 0300 303 8268.